

ГІЯХІТИ БАРКЪУДЛУМИ ДУРАДУРКІНИЛА ПАЙДА

МАРЛИРА АЛЛАГЪЛИЗИВАД ﷺ УРУХІНИ ВА АЛЛАГЪ ﷺ РАЗИВИЭСТИ БАРКЪУДЛУМИ ДУРАДУРКІНИ – АДАМ ИШ ДУНЪЯЛА БАЛАГЪУНАЗИВАД ВА КЪИЯМАЛА БАРХІЛА ГІЯЗАБТАЗИВАД УЦАХЪНИЛИС САБАБТИ САРИ.

Чевяхісили ﷺ буриб: «Нуни дила вакилти ва набчи бирхути уцахъис...» Хіядисуль къудуслизиб Чевяхісили ﷺ буриб: «Наб дигусиличил къалмакъарта виркъусилис нуни дяв балахъис. Набчи гъамбиубти гъаммабиаб чучи хъарти секлал дарайчи. Дила лагъ набчи гъамирес багъламайаб сунезирад гіяхіти баркъудлума кадиркахъули, сай наб дигусилис ветаайчи. Ил наб дигиатурли гіергъи, ну илала лихібили, хіулбили, някъли ва къашли ветарус, илини набзи се биалра тиладибаралли нуни илис беддугас, набзи сай дигіанваракъес тиладиухъалли, дигіанавирис».

Гіябдуллагъ Мяхімадов

Аллагъла ﷺ илди гъай хіясибли илала диги сархес багъандан хъардарибтицун секлал дирни камли сари. Аллагълис ﷺ дигусилис ветаэс ва къияндикибхелели Илизибад берцуди баргес багъандан гіяхіти баркъудлума сай гіяхіулали дурадуркІулала лугіилизив виэс гіагніси саби. Хіядислизиб бурили саби: «Хіу рази-хелера Аллагъ ﷺ валес къайгъибара, илини хіед къияндикибхелера хіу хъумхертури». Илди гъайла мягІна ишгъуна саби: лагъли сунечи хъарти секлал дирули ва сай гіяхіулали Аллагъ ﷺ разивіэсти баркъудлума дурадуркІули виалли, ил Аллагълизибад ﷺ урукІуси сай, ил лагълара Чевяхісилара ﷺ тянищдеш имцадирар ва хасси гъамси бархбас бетарар. Илгъуна лагъ къияндешунази виалли гъарли-марли Аллагъли ﷺ ил балагълизибад урцахъу. Сай разити минутуназив Аллагълизибад урукІули ва Аллагълис ﷺ мукІурли виалли, ил адамличи пашманти минутуназив уркІециличил ва кумекличил херилзан Аллагъ ﷺ. Чевяхісили ﷺ буриб: «Аллагълизибад ﷺ урукІусилис Чевяхісили ﷺ сай херли ахенси шайчибад кумек гьабихъу». Бялихъла канилавад Юнус Аллагъличи ﷺ




дугъайзурхелели, малайкунани буриб: «Ва дила Аллагъ ﷺ, ил нушаб тянишис тІама саби гъарахълибад гьебалгъуси». Илис Чевяхісили жаваб гиб: «Хіушани хіебагъурраив гъатІи, ил къалли дила лагъ Юнус сай». Илхелели малайкунани буриб: «Сунела баркъудлума – черяхіти балгни къабулдарибси хіела лагъ?» Илхелели Аллагъли ﷺ иб: «Пе». Малайкунани буриб: «Ва Чевяхіси Аллагъ ﷺ, марлира хіуни иличи уркІеци хіебириду, сай разити минутуназив илизибад кабикибси гіяхідеш багъанданла?» Аллагъли ﷺ буриб: «Пе, нуни иличи уркІеци бирис». Ва бялихълизи буйрухъбариб Юнус ваткаахъес. ЗахіхІакъ ибн Кайсли буриб: «Разити минутуназив Аллагъ ﷺ гъаниркахъеная. Юнусула Аллагъ ﷺ гъаниркахъусури

ва ил бялихъла канилав вагъариубхелели, Аллагъли ﷺ ибси саби: «Эгер ил Набчила ﷺ гъанхіебиркахъутазивадси виалри, ил бялихъла канилав кавлусури къиямала бархІиличи бикайчи». Марлира, Пиргіяван Аллагъличивад ﷺ чеввухъунси ва ил хъумартурси вирусури, амма урхъула рамчли ил архухелели вявъибсири: «Аллагъ ﷺ, ну хіечи вирхулра». Амма Аллагъли ﷺ иб: «Гъанна вирхулрив, гъаннабикайчи хіу чеввулхъули. Ва хіуни халкъ гъузгъалдибирахъухелели?» Адамла дунъяличирти гіямрула бегІлара декІси манзил бекІа саби. Илис гіергъи гъатІира къиянни бирар. Муъминна чебла сай аралли левай гіяхіти баркъудлума-чибли ва баркаллаличибли бекІаличи хіядурдеш бирни саби.

Номерлизир:



Уктемдеш – халаси бунагъ



Шукрубирес хъуммартида



Идбагла ﷺ хъунул Савдатла хабар

Мухіяммад ﷺ — идбагунала мугъур

Мухіяммад ﷺ – идбагуназивад бегІла гіергъис сай, илис гіергъи цархІил идбаг алкІуси ахен, иличибли таманбирути саби идбагуни бурхъни-ла баркъуди, ил идбагунала мугъур сай.

Ибрагъим Ибрагъимов

Мухіяммад идбаг ﷺ христиантала тарих хіясибли 570 ибил дусла апрельла 20-личив (бусурмантала хіясибли ил РабигІул-Аввал базла 12 саби, итни бархІи) Маккализиб хіербириси Къурайшитунала къамлизибадси Гъашимхъала жинслизив акІубсири.

Илала дудешлис Гіябдуллагъ, нешлис–Аминат бикІусури. Ит замана гіярабуначиб бузахъуси гіядат хіясибли ил кІел дус виайчи Саад бикІуси къамлизирадси Хіялиматли ухъахъули калунсири. Идбагла ﷺ дудеш урши акІес кІел баз лералли, 25 дусла гіямруличив вебкІибсири. Неш ребкІибсири урши урегал дусалра хіейубли левалли. Ил ребкІили гіергъи Мухіяммад ﷺ кІел дус дудешла шайчивадси хала дудеш Гіябдул-МутІалибличив хіерирули калунсири. Ил гехІел дус виубхелели, хала дудешра вебкІибсири. Илхелели Мухіяммад ﷺ дудешла шайчивадси адавзи АбуТІалибличил сунечи арукиб.

Мухіяммад ﷺ жявли узес вехІихъиб, маккалантала маза дукидикусури. ВиштІали левалли ил гіяхіти хіял-тІабигІятличил, малхІямдешличил, хіялалдешличил, бархъдеш бурниличил, бирхауди марбирниличил, серхурдешличил, къасчевдешличил, духудешличил ва цархІилти гіяхіти къиликъуначил декІарулхъусури. 25 дусла гіямруличив Мухіяммад ﷺ давлачерси ва гіяхіси хъалибарглизирадси гамъа Хадижатличил илала сипталичил хъаллавиубсири. Хадижатличил хъайчи кабиэс дигути машгъурти адамти гІурра бахъал лебтири, амма илдас шери рукъес къабулрикибси ахенри.

«Дагъиста Авиалинияби» 150 рейс диру

«Дагъиста Авиалинияби» компанияли хъжликънабачил ишдус Дагъистайзирад 75 рейс дурадуркIу.

Илдицад рейсани диру бусурманти чула ватIайзи чарбарес багъанданра, Авиакомпанияла хъянчизар Серажутдин Гъяхмадовла гъайличи хъарахъили, балахъули саби «Дагъистан» РИА-ли.

Дайхъала рейсани Саудхъала Гъярабиялизи дарили дирар, дайхъала биалли Иорданиялизи, илабад хъжликънаби дурхъати мераначи автобусначиб биур.

Гъяхмадовла гъай хъясибли, рейсани дурадуркIили дирар октябрьла 17-личирад 30-йчи бикайчи. 9 рейс дархъаначи Мединализи дурадуркIу ва 29 - Иорданияла Акаба аэропортлизи. Къибили маршрут хъясибли 20 рейс Сулайбан Каримовла Гъяхбаркъла баркъудила дазурбазир дурадуркIили дирар; илди арбъакъунси дуслизиричир 5 рейсла къадарли



имцIали сари. Ингушетиялизибад 1000-личиб имцIали хъжликънара хъжлизи «Дагъиста Авиалинияби» компанияли баахъили бирар. Ил мурадлис 8 гъатIи рейс чедаахъили сари.

Гъяхмадовли цIакъбарили буриливан, авиакомпанияли ил секIал чекасес бирар. Гъар бархIи 6-7 рейс хъясибли

дурадуркIу. Эгер сунела самолетуни дигъледиси яра цархIилти гъанарти аги-къяй-да дакIудибуси анцIбукълис авиакомпанияли пикрибарили саби гIурра чумал-гъатIи гъавала гами ижаралис дудес. Хъжликънаби чарбарес багъанданти рейсани ноябрьла 10-личирад 23-личибикайчи дурадуркIу.

ХIери гIергъила дехIиба ратибатуну

ХIери гIергъи дирути фарзла дехIибайчил дарх авал ракагIатла суннатла дехIибала дирахъес маслигIятдирути сари. КIи-кIел ракагIатли дирахъес маслигIятдирути сари илди, амма цахIнарли даресра асубирар. Илди дирес илцад чебси ахIенгу, амма ИдбагликIун (ﷺ) бурибсири: «ХIери гIергъи дехIибала дирухIели суннатла авал ракагIатла ратибатуну дирусилчи Аллагъли уркIецIи бараб». Ил багъандан илди дехIибала дирни гIяхIси саби. АллагъликIун барибсири цIалра балга жаваб агарли балтуси ахIен.

Ислам ХIямзатов
islam_gamzatov@mail.ru

ГIабранини баахъибси хIядислизиб бурили саби: «ХIери гIергъи дирути дехIибайчил суннатла авал ракагIатла дехIибала дарибсилли Аллагъли жагъаннаб къадагъабарибси саби». Ратибатла суннатла дехIибала, сегъуна-биалра сабаб ахъили, фарзла дехIибайс гъалар дарес бетхIеалли, илди фарзла дехIибала дарили гIергъира дарес вируси сай.


БархIехъла дехIибалала ратибатуну

БархIехъла фарзла дехIибала дарили гIергъи кIел ракагIатла суннатла дехIибала дирахъес дебаби маслигIятбуси саби. ГIяхIси саби кIел ракагIатла ратибатуну бархIехъла дехIибайс гъалар дирни. Азаннара къаматлара ургаб замана кали биалли. Идбагла ﷺ икъалачибси азан аргъибмад мижитлизи гъалакбикIутири, кIел ракагIатла суннатла дехIибала дарес балкъаэс багъандан. (Иличила бурули саби хIядисуназиб Бухарили, Муслимили ва цархIилтани). Имам ГъяхИмадли ва цархIилтани баахъибси хIядислизиб бурули саби, Идбагла ﷺ ишкъяйда иб или: «Гъарил азаннара къаматлара ургаб ца намаз лебси саби, дигули ахъибсилли ил барес вируси сай». Имамти леб бархIехъла дехIибайс гъалар дирути дехIибала лерти ахIен, ил бирахъес маслигIятра бируси ахIен бикIутири. Амма имам Нававини бурули сай бархIехъла дехIибайс гъалар суннатлара дирахъес маслигIятбуси саби ва иличила бурути лерилра хIядисуну дирхалачерти сари или. Аш-шайхул Акбар МухИддин ал-Гъярабини бурули сай: «Илди кIелра ракагIат дирахъес сунна саби, адамта хIедирули далтули хъалли, илди дарни багъандан бируси гIяхIдешличила сай Къудратла ВеГIлицун саби балуси». Амма черлидиубти дехIибала дируси замана бехIибхъили биалли, яра хIу чучил дарх дехIибала дарахъес хIерти лебли биалли, яра къамат зайбухъалли, илгъуна анцIбукълизир суннатла дехIибала фарзлайс гъалар дирес асухIебирар.

Дугила дехIибалала ратибатуну

Дугила дехIибала дарили гIергъи кIел ракагIатла ратибатуну дарахъес дебаби маслигIятбуси саби. Дугила дехIибайс гъалар кIел ракагIатла ратибатуну дирнира сунна саби. Нушала Идбагла ﷺ тикрарбусири азаннара къаматлара ургар дехIибала лерти сари или ва гIур имцIабирусири: «Чис дигули виаллира илди дарес асудирети сари». Илгъуна хIядис нушачи баахъиб Бухарини ва Муслимили. БархIехълара дугилара дехIибултас гъалар дирути суннатла дехIибулти дарес гъамадти сари ва илди дирули бирар «ФатихIялис» гIергъи диштIати сураби дучIули.

Къадарла шила мижитла имам Зайнудин-хIяжи кавшиб



Сентябрьла 15-личив, дугели 22 сагIятличив, Буйнакъскла районна Чанкурби шилизив Къадарла мижитла имам Зайнудин-хIяжи Дайзиев кавшиб. Такъсирчиби динна гIялимла хъайгIи бухIнакабухъи, тянишли ахIенси автомат ярагълизивад хIярхIубала вариб. 84 дус виубси имам, дяхъурбазивад алхун ва шагъидли иш дунъяличивад аръкъун. Зайнудин-хIяжи Дагъистайзив машгурси гIялим сайри. Камти гIямруличивад вехIихъили ил машгурти гIялимтачив учIули, исламла мурхъти багъудлуми касиб. Илала мурхъти багъудлумас чихъси

бикъри саби илини белкIунси «Истоки суфизма и его важность» бикIуси жуз. Ил гIяраб мезличил белкIунсири, урус ва миллатла царилти мезаначира шурбатурси.

Илини лерилра сунела гIямру гъарли марти исламла багъудлуми гIинтIдирнилис ва исламла къалпти баркъудлумазибад мяхIкамдеш барахъес адамтази махикIнилис харждариб. Унраличибси Хъарамахъилизиб ва ил алавти шимазиб ваххабитунани арц чузи буцили, илар дургъби дехIихъибти 1998-1999 – ибти дусмазив, сунела мурхъти багъудлумачил пайдалавиубли, Зайнудин-

хIяжи бажардикибсири мурхъхIедикахъили, дахъал хIи кахIертIахъили Къадарлизир къалмактар гIашаахъес. ИтхIели ит бажардикибсири даршудеш ва адматала уркIурбазиб исламла умудеш калахъес. Ил багъандан душмантани иличи къаршили хIилла дураберкIибтири. Илала юртлиу, сагIятла механизмаличилси, 27 киллограмла битIакIичилси бомба каби-хъибтири. Дугели сагIят 3-личиб баргбердес чебаахъибси ил баргхIебардибсири ва гIергъила бархIи хIерейс баргбисери. МяхIячкъалализибад бакIибти сапIрти ил баргхIебарднили тамашабиахъубтири. ЧевяхIси къудратла ВеГIли итхIели Зайнудин-хIяжила ва илала хъалибаргла гIямру мяхIкамдарибсири Аллагъли чебаахъибси замана сабаайчи чилра убкIуси ахIен. Сунес сагIят сабаибси Зайнудин-хIяжи шагъидли вебкIиб. Илис ил игъбар саби. ГIялимличи някъ ахъбуцибти ва чучи Аллагъла гъимидухъ-ахъунтас жагъаннамлизи гъуни саби. Гъарли марли, нуша Аллагъли акIахъубтири ва иличи чардулхъутири! Алхунсила тухум-агълулис ва арагIеб Дагъиста Бусурмантас пашмандеш балахъулра.

Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана	Главный редактор Айна (Патимат) ГАМЗАТОВА	Менеджер Абдусабир АХМЕДОВ	77-42079 от 24 сентября 2010 г. При перепечатке ссылка обязательна.	Тираж 3.650 экз. Адрес редакции 367015, РД, г. Махачкала, ул. Азиза Алиева, 2.
Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ	Редактор Ислам ГАМЗАТОВ Канонический редактор Мухаммад ДАВУДОВ Корректор Нурулгъуда РАЖАБОВА	Газета зарегистрирована Федеральной службой по надзору в сфере связи, информационных технологий и массовых коммуникаций.	Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.	По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.
	Дизайн, вёрстка Лейла ГУСЕЙНОВА	Свидетельство о регистрации ПИ № ФС	Заказ № _____ Сдано в печать 19 сентября 2011 г. в 21:00	E-mail: assalamweb@gmail.com; www.assalam.ru

Гіяхіти баркъудлуми дурадёркінила пайда

1 « Чевяхісилі буриб: «*Ва дир-хути, хіуша Аллагълизирад уружкленая. Гъарил рухі хІердизаб жагъялла бархилис се хІядурбирулил че-баэс. Хіуша Аллагълизирад уружкленая, мармарли Аллагъли балули Сай хіушани се бирулрала. Хіуша Аллагъ хъумартуртаци ва Илини чузи саби хъумартуртаци мешумадиркудая. Марлира, илди игъбаргартти саби.* Сай арахлели ва разихлели Аллагъ гъаниркахъули, Аллагъличил гъуниваэс хІядурикусилла Аллагълира сай къяййизи викибхлели хъумхІерту ва илини иш дунгъа Аллагъличи разили бархъбалта. Сунес Гіяхіил дикибхлели Аллагъличила хъумартурси Аллагълира къяндикибси замана вархъвалта. Аллагълигибад уружкІутала ва Гіябидунала Гіямру тамашала анцІбукуначирли ва Аллагъли уцахънила мисалтачирли

давлачерти сари. Илдазибад ца саби Идбагли хІядислизиб бурибси анцІбуку: ХІябал адам гъятІбухъунани гъабарибси Гіиникълаб багъарбиубли саби. Илди бикІули саби: «Нуша чиллира ва селилра хІерцахъура, нушани дарибти ГіяхІдешуни багъандан дерцахъес Аллагълизи барибси тиладили ахІи». Илдазибад цали иб: «Я, Аллагъ дила бухънабаибти бегІти лебри. Илди къацІли хІебахи нуни я дурхІни я мицІираг хІедалхира. Гъачам ну хъули чарухъунхІели дила бегІти бусулри, ва дила гушти дурхІни хІебахунра дила бегІти савли чебсаргъайчи. Я, Аллагъ, ил дила баркъуди ХІу багъандан дураберкІибси биалли, нуша ишарад дурадехъесли бара». Илис ГІергъи Гіиникъла гъалабси шури ца къадар шайчибикиб. КИибилли иб: «Я, Аллагъ, дила рузикъар лерри дунгъаличир наб

бегІла дебали дигуси. Иличил ну кІушухъес дигиатурхІели, ил набчил къабулхІеркиб. Гъачам мискиндешли ил набчи кумекбарахъес ракъахІиб. Нуни илис 120 динар дедира, наб дигуси барахъес или шартІ кабатурли. Ил къабулрикиб. Амма ну иличи гъамиубхІели, илини иб: «ХІу Аллагълизивад урухи ил хІед къадарли ахІенси секІал камайсид». Нуни ил ратурра ва илис илди мургъира датурра. Я, Аллагъ, ил баркъуди ХІу багъандан дураберкІира виасли, нуша ишарадлі азаддатаба». Ва шури ГІурра ГіяхІцадла ца шайчибикиб. ХІябъибилли иб: «Я, Аллагъ, нуни хІянчизарти буцили бузахъули калунра. Илди лебилра чус бетиркуси хІекъ бедили бархъира. Цали сунес бетиркуси батурли арякъун. Ил ГіяхІцад замана дикили ГІергъи чарухъун ва викІар: «Эй Аллагъла

вали, чарбара дила чебла». Нуни илизи ира: «Лерилра хІуни ишар чедиути секІал – хІяйванти, валтруми, лугъри хІела сари». Илини иб: «ХІу набчив дукармархІуд». Нуни илис жаваб гира: «Ну дукарирхІули ахІенра, илди хІела сари». Ва илини илди лерилра ардукиб. Я, Аллагъ, ил баркъуди ХІу багъандан дураберкІира виасли, нуша азаддешличи илди дурабухъун». *Илди хІяблира, саби къяййизи бикибхІели, селра ГіяхІси баргес хІебиуб чули Аллагъ багъандан дарибти ГіяхІдешуни ахІенси.* АхІерти узби, даширая нушала ГіяхІти баркъудлумачил дин мяхІкамбирехІе. Илизиб саби нушаб берцуди ишиди ва итил дунгъаличирти Гіямрулизибра. Бахъал адамти хІярамдешуназиб кайгІули саби ва илхІели илдас берцуди хІебирар.

Уктемдеш (халадеш) — халаси бунагъ

Уктемдеш адам бегІлара цакъли укългъахъуси хасият саби. Уктемси адам хатІаиркниличила ва илала талихІагриличила Къуръайзибад ца аят гъанбушни баибси саби.

Писа Пумаров

Мармарли, Чевяхісиліс уктемти адамти хІейгахъу. Бусурманлис гъатІи иличиб халаси талихІагри сегъуна биэс бирара? Нушала Идбагла хІядислизиб бурили саби: «Уркилизиб ризкъила ца къякъадалра уктемдеш лебси адам Алжайзи ахІейцІур». Жагъаннаблизи аркъутала сияхІ гъанбушибси цархІил хІядислизиб Идбагли бурили сай: «Жагъаннаблизи бегІ гъалаб уркеціагарси хІяким, сунела давлализибад закат хІелугуси давлачевси адам ва халадеш дируси уктемси мискин адам аркъян». Ил хІядислизиб гъанбушибти Жагъаннаблизи аркъути хІябалра адамлизивад уктемси бегІ гъалав гъанушили сай. Пялимтанира уктемдеш цайбси бунагълизи буйгІули саби. Чевяхісиліс бурули сай: «Нушани малайкунази Адамлис икрам барахъес амру барира, ва лебилра илдани икрам бариб, Илбисли, уктемдеш дарили, икрам хІебариб ва ил Аллагъличи хІебирхусили бетаур». ДигІяндеш ахІен, Алжанализибад Илбис уктемдеш багъандан дурагънира. Илис гъалаб ил бегІлара хІурматла малайк сабри. Уктемдешлис ахир агара. Урки уктемдешлизибад умубарес къайгъи хІебаралли, ванзаличи игъубси ризкъила къякъван ил челябкъян.

Илбисван адамра илхІели Чевяхісиліа хъарбаркъуначи лехІхІелзусили ветарар. Сунес сай ваибсила къиликъ саби уктемдеш. Сунес сай ваънили адамлизи хъумуртахъу Аллагъла къудратличирли сунела къаркъайзи цакъ картІниличила ва сунес баркъудлуми

Уктемдеш дакъударнила лишан саби цархІилла буриси мучлахІебирни, хІятта ил вархъли гъайикІули виалра. Чевяхісилі Къуръайзиб бурили сай: «Аллагъличи бугътан чебушес вализурси ва сунечи баибси бархъдеш уббирхъуси адамгъуна валкІси гъатІи чи вирара?» Бархъдеш уббяхъни



дурадёркІес имканбикІниличила. Адамлизиб вайси яра ГіяхІси баркъуди дураберкІес ихтияр леб, амма гъарли-марли адам акъахъубси ва илизи баркъудлуми дурадёркІахъуси Аллагъ сай. Адам сай ГіяхІти баркъудлуми дурадёркІусилизи халирес вехІихъалли, илизир уктемдешла ва халаурхІнила вайти къиликъуни дагъардирар.

сецад халаси бунагъ биэс бирара, эгер ил Аллагъли Сунечи бугътан чебушнилизил халбарилли виалли. Уктемдеш ахІену илгъуна бунагъ дураберкІахъес шартІли бетаруси? Идбагла хІядислира иргъахъули саби бархъдеш уббяхъни уктемдешла баркъуди биъни. Идбагли буриб: «Уктемдеш - ил бархъдеш уббяхъни, адам мучлахІерни ва увяхІварни саби». Адам

увяхІварнира халаси бунагъ саби. Бусурманти селизибалра цаличиб ца чебяхІти ахІен, чІянкІли Аллагъличи вирхни халхІебаралли. Адамти мучлахІебирисинира, давла лебсинира, цархІилличиб имцІали секІал балусинира багъаб – Аллагъли акъахъубтазивад бегІлара черикІлалли сайси нушала Идбаг мискин сайри ва бегІлара дагъричевси виалра уктемдеш хІедири. Аллагъли буриб: «Чи Набчил къбулхІейкалра ил Нуни хІелтас».

Шинна биштІаси кІантІлизивад ветурли, ГІянжичили шурулхъуси, ва ил манзиллизиб нядеш бихуси адамлис уктемис хъулчи агара. Аллагъла ахъриличила хъумартурли, сунела жагадешличи пахрубирни ахмадеш сари. Илгъуна, барибси ГіяхІдеш хІебалуси ва уктемси адам Аллагълира мучлахІейру. ЛягІнатбушибси Илбисличи ва давлалличи пахру бируси ПирГІяванничи мешуикес бусурманлис асухІебирар.

Малайкуначивра чевяхІли виэс адамлис Аллагъли имкан бедили сай, амма ил имкан пайдалахІебарилли вайти баркъудлуми дурадёркІалли, ил мицІирагла даражалличивра ГіяхІкайрар. ВегІлис ГіяхІдеш дигусини илдазибад ГіяхІсигъуна чебикІес вирар. ЧевяхІсини Къуръайзиб бурили сай: «ГіяхІдеш барибси Алжайзи аркъян, вайдеш барибси Жагъаннаблизи» Аллагъли нушала уркіурбазибад уктемдеш (халадеш) убасаб ва Аллагъли нушаб гъариллис Гіямрула ГіяхІси ахир бидахъаб. Аминь!

Секъяйда харжбируси Аллагъли гібси давла?

Аллагъли хІегибси давла чиллира, ил сецад бажардила виалра, бучес хІейрар, Аллагъли лугуси давла чиллира, ил сецад цакъси виалра, тІашаэс хІейруливан. Давла, ил халаси яра камси биаб, Аллагъли адамла хІялумцІни саби.

Ансар Рамазанов

Пялимтани бурни хІясибли, мас-давдала пайда кІел бутІала саби: дунгъала ва диннашалси. Дунгъалашалси бутІа харжбирухІели, пулкІуцІли, палакатли, лайикъси дазулизивад хІевхъи ва хІярамти баркъудлумази

хІехъили, хамси тяхІярли харжхІебарес ва бунагъунази хІейкес багъандан мяхІкамли виэс чебиркур. Давлала вегІли аргъес чебиркур давлала динна шайчиб харжбируси бутІа хІябал журала биъни:

1. Сунес дирути харжани: сунечи хъарси хІяж барес, динна багъудлуми касес, динна жузи асес ва цархІилти Гіибадатунира;
2. Царалти адамтас дирути харжани. Илди 4 тяхІярла сари:

- а) пяхъиртас, мискинтас садакъа бирни;
- б) Аллагъла лагъли (давдала вегІли) узбачилти, гъалмагъуначилти бархъасуни имцІадикІахъес, дигичерти де-

таахъес дирути харжани: давлачебти дуббатличи жибирни, дарсур савгъатуни дедлугни ва цархІилтира. Илдира динна шайчирти ва ил багъандан керила харжаназил халдиру. Идбагли иб: «ХІушала ургаб дигичебдеш имцІабиахъес хІушани цалис цали савгъатуни дедлугеная». Ил хІядис давлачебтичир мискинтачира (ца чумиздаг лебти) чебетур; в) ЖамигІятлизиб сунела хІурмат, багъа бихІес дирути харжани. Илдази кадурхар бугаси пагъмула, пасихІти шягІиртала, писательтала ва илдигъунти цархІилти адамтала хІяжатдешуни ихъни, ► 5

Суфийдеш къабулхедирни динна хьулчни къабулхедирни саби

(«УСУЛУЛЬ ФИКЪГЫ» БЯХИЧИБИЗЛА МАГИСТР, ИДБАГЛА ✪ НАСЛУЛИЗИВАДСИ ГЯБДУРЯХИМЛИЧИЛ ИХТИЛАТ)

Багъудлумалашал, рух-адаблалашал чевяхъиз багъанданси чарагардешли гилму руркънилис сунела гямру харждарибси, сай гибратли виубли гябид сегъуна вирусил чейахъуси адамличи дугъадилзес нушачи чевкъахъули саби. Нушаб хияжатли саби илдигъунти адамтала гямрула гъуни ва исламла къанунтаци илдала хер сегъунти сарил дагъес. Ишбархли нушани ихтилат бирехле Макназлизивадси магистр Гябдуряхимличил.

Хияжмурад Гямархияжиев

– Хечила се биалра, хела у чебатаахъили бурили дигахъира.

– Дила у Гябдуряхим Сягид аль-Карим ибн Нахил аль-Хиясани саби. Дила хъалибарг Идбагла ✪ къамлизивадси саби, мазгъаб хиясибли ну имам МаликГевсира, акид (динниче чекайзни) хиясибли имам аль-АшГаригевли, суфидешлизив Шазалила тарикъатГевли.

– Чидилти гялимтачив учули калунри?

– Аллагълизи ✪ шукру, ну халати гялимтачив учули калунра. Чевяхъисила ✪ ил набчи халаси уркецци саби. Иллини ну Макназлизивти ва илала дурабти шайханачи вархъира. Илди-ургаб лебри Фарид аль-Ансари (иличила сунела замана муджадид (дин сагабиран) биклутури), Хиямид аль-Вафи, Мухияммад Рамазан аль-Бути, Мустафа Буга (иличилара аш-Шафила киибил имам биклутури), фикхла ва усулъла халаси библиотека цалабяхъибси Вахбату Зухайли, Шамла муфтий Гялаутдин Затари, Нурутдин Итр-мухаддис Шама, шейх Бисамум аль-Хиямзави ва бахъал цархилтира (Аллагъ ✪ разивиабну чучи).

– Сегъунти жузи хиясибли касибсири хлуни иджазунни (белгиси жузлизиврад дурсри кадрихъес ихтияр)?

– Деклар-декарти жузи хиясибли, халати гялимтазиррад дила 300-цад иджаз лер, цабулгаван, Сахлих аль-Бухарила ва Муслимла хиядисунала лерилра жузи хиясибли, имам Маликла «Муата» хиясибли, имам аш-Шафила «Муснад» хиясибли ва цархилти жузазиррад. Бусягъат ну «Усулль фикъги» бяхъичиблизив магистр вета-эс учулра.

– Хела гямрула беклибулси мурад селизоба?

– Дила мурад адатас кумекбарни, илди исламличи жи-барни, Идбагла ✪ суннабачи

илди бяркъни, бархъагардеш лутли-хьулчилизибад агарбарни.

– Хечил дагъистанланти бучив?

– Дамасклизиб набчил барх бахъал дагъистанланти бучули бири ва ил дила халаси талихли сабри. Ну илдачил гъалмагъикира ва Аллагъ ✪ багъандан илди дигахъис. Нуни имцаси замана дагъистанлантичирри буркласи, илди наб «Макназлизивадси шейх» бикли. Илди адаблалаш

имцадирахъу, гябиддешличи руркъу ва беклибулси – Аллагъличи ✪ гъамирахъу. Хиядслизиб бурили саби; «Аллагъ ✪ бусурмантала уркиличи Сай хериклуси, илдала чарх-бекличи ахенну, ил багъандан гъарил бусурман адамличиб чебси саби сунела уркили умубарес ва ил шайчиб суфийдешлициун кумекбарес бирар. Цархилван буралли, суфийдеш исламла уркили саби, уркили агарли шаригъятла баркъудлуми диэс хедирар.

къабулхедирусила динна къадри камси саби. Нушази къалли Аллагъли ✪ уркили умубарехъес хъарбирули саби. Къуръайзиб бурили саби: «Уркиличил ва илис гибси сунечи мешуши сипатличил, бунагъкардешла ва Аллагълизиб ✪ урухкудешла къиликъуни гибсилчил хъабирулра! Сунела нафс Аллагъли ✪ суждабарниличибли умубарибси хиялалси сай, бунагъбизеси баркъуди кабикили тавба хедарибси

цугурцу, илдани бурни хиясибли, Аллагъ ✪ закив Сай. Идбагла ✪ ва илала бархкъабала динниче къаршили ахену ил далил?

– Аллагъ ✪ закив Сай яра Ил Гяршлизи кайили Сай биклутани Аллагъла ✪ Сунела мер леб или бурули саби. Ил шайчиб илди аятунала ва хиядисунала мягнурбачи хъарихъули саби. Гъарли-марли биалли илдигъунти пикруми агълу сунна валь жамагъяла гъарли марти далилтаци къаршили сари, илдани къалли Аллагъ ✪ аклахъубти секлайчил цугурци къабулбируси ахлен. Аллагъли ✪ да-зурби, шалурби, алавлала агарти сари. Аллагъ ✪ ит яра иш мерличив сай диклес асубируси ахлен. Къуръайзиб ишгъуна аят леб: «Уркеццила Веъ Тахличи ацлиб» (сура «Пагъа», аят 5). Аллагъ ✪ Гяршличи кайили ахлен. Ил шайчиб имам аль-Разини буриб: «Аллагъ ✪ Гяршличи кайили виалли, Ил ✪ Гярш бихути малайкунани вихни бетарули саби. Ил ✪ вихули виалли, или ибси саби Ил ✪ Гярш бихути малайкунала кумекличи хъарли сай». Илдигъунти пикрумизиврад нуша мяхкамдараба, я Аллагъ ✪! Аллагъ ✪ чичилра хъарли ахлен.

Чевяхъити имамтани Аллагъ ✪ аллахъубти секлайчил цугурцутас такфир буршутури бирххлебихути саблин гяйиблабихути. Масала, «Фатава аль-Хиндияти» жузлизив Хиянафила гялимтани такфир бушибси саби Аллагъла ✪ белгиси мер леб биклутачи. Имам Маликлизи Аллагъ ✪ Тахличи ацличили хъарбаибхелели, илини жаваб гиб: «Тахличи ацли ашкарси саби, амма секъяйда ацлибал балуси агара. Иличила хъарбаэсра асухлебихути ил бидгъа саби».

Имам аш-Шафили буриб: «Аллагъ ✪ леври, амма илала мер аги. Иллини ✪ мер аклахъуб ва мер аклахъайчи Сай левигъуннали калун. Илис сегъунтилра дардешуни дироти ахлен я хиякъкъатлизир, я сипатлизир». Илдигъунти сари агълу сунна валь жамагъяла далилти.

Тавассульличила се бурида?

– Тавассуль асубирни кабилзахъубти далилти дахъал сари. Къянала салафитунала шайх Мухияммад ибн Гябдул Вагъабли булан тавассуль асубирусилзи халбирули сай. Илизизаб дарахъес тиладиличила хъарбаибхелели, илини жаваб гиб гябидуни-ургали тавассульли хъадагъа агара или. Балгаллизив буриливан, «Хези дила тилади саби, Хела Идбагла ✪ яра вакил-тала, яра гябидуни



черяхъити къиликъуначибли декларбулхъи. Нушазибад бахъли илзазибад гибрат кайси. Гябиддеш, игъдибар, дахъал гъай дарес хейгни илдала къиликъуназиррад цацадехъити сарри. Аллагъли ✪ наб Дамасклизиб къадарбариб цацадехъити гилмула дурсри кадрихъахъес, ва сегъуна-биалра жуз белчлахъес или набчи дугъабизурхелели, нуни итмадан илдала тилади бар-таряхъаси, сенахленну гилму руркъниличил илди уркили-уркилабад чекабизурли биъни балусири. Лебилра илди гъарли-марти суфийдешличи бяхъгъабли кабизурти бири.

– Суфийдешла къадри ишбархли сегъунси?

– Суфийдешли уркили умубиру, рухли руркъу, илди Аллагъличи ✪ ва Илала Вакилличил ✪, лебилра бусурмантаци дигила урунж саби. Суфийтала гъуниличил иман дебабихъу, хиялалдеш

– Суфийдеш къабулхедирутачила хела пикри бурили дигахъира.

– Суфийдеш къабулхедирни – исламла хьулчни къабулхедирни саби. Ашкарливан, Исламлизир хиябал хьулчи лерти сари: Иман, Ислам ва Ихсан. Ихсан уркили руркъни саби, ил Аллагъли ✪ лагъ суждаличи калзахъес руркъуси школа саби. Шайхани уркилиси бяркъ бедлуганти саби. Илдани лагъ Аллагъличи ✪ гъамирахъес бурсивирахъу, уркили нуша Аклахъубсилчил ✪ бархбасахъес руркъу, учанна дагърилизил сай даим виъниличила иргъахъу. Илди лерилра сари гъарли-марти суфийдеш ва Аллагъла херидилиуб Ихсанна даража. Деклардеш агара ил гъуни-лис нуша се диклахъеллира: суфизм, зугъд, уркили руркъни ва цархилтира, мурад биалли ца саби – Ихсанна даражаличи гъуни. Суфийдеш

биалли зарайзи викибси сай» (сура «аш-Шамсу», аятунни: 7-10).

– Хлуни шайх Сягид Афандиличила аргъибсив?

– Ге, аргъира, Аллагъли ✪ вихъябну сай. Ну вирхулра иличил гъунивахъес Аллагъли ✪ наб имкан лугниличил. Чевяхъисили ✪ адатала уркили ил шайхличи дяхъидзахъур. Илди Сунечи ✪ баахъес багъандан. Шайхани хейгахъес вирусив? Илдачи адабкун Аллагъли ✪ суждабарнигъуна саби. Иличил гунивахъес игъбарла пай баалли, наб дигулра илала някъ байбарес, сай хъабруцес, дила уркили илала уркиличил цабарес, сенахленну илала уркили Аллагъла ✪ нурли бицили саби, Аллагъ ✪ разивиабну сунечи.

– Цацабехитани Аллагъ ✪ аклахъубси секлайчил

Хушазибад беглара гјяхти-адаб лерти саби

Бахъал бусурмантас гъанбиркули саби, саби дубра бурцули, гъар бархИи шудехелра дехИбалара дирули, заката лугули, хІяжлизира башули биалли, чучи хъарти секІал иличирли тамандиубти сари или. Амма илкъяйда ахІен анцІбукъ. Исламла хъулчни чекадизурли тамандирули гІергъира, нушала Идбаг   жиикІусири нуша адаб-хІяяла беглара гјяхти кыликъуначи дегІдирахъес.

Билал Шаритов

Сунела хІядисунала цализиб бурни хІясибли, илини иб: "Гъарли-марли, хІушазибад беглара гјяхтигунти-илди мурхъти адаб-хІяяла бегти саби". ЦархІил хІядислизибра бурули саби: "Къямалла бархИи динничи кайзурсила умцантациб адаб-хІяяличиб декІси селра хІебирар. Гъарли-марли, Аллагълис лайикъагарти ва вайти гъай дуруси хІейгахъу"
Ва, сай Идбаг,   беглара черяхти адаб-хІяяла кыликъуначилси вирусир, илини адамтала уркІбала диги сархусири гјяхти хІял-тІабигІятличил ва умути адаб-хІяягІличил, пергер баркъудумачил.

Къудратла ВеГІра сунела дурхъаси Жузлизив виКІули сай: "Гъарли-марли, хІу (МухІяммад) черяхти адаблаг веГІ сайри" (68:44).

Идбагла   шаликартанира кумекчибанира иличила дебали гјяхти пикруми дурутири.

Анас ибн Малик виКІи: "Аллагъла Расул беглара черяхти адаб-хІяяла адам сайри".

Нушала Идбагли   галгала удиб бамсриихъуси манзил иличи някълизиб шушкаличил ил кавшес къасличил ца бедуйн гъамиубсири ва илини ибсири: **"Ва МухІяммад, гъанна чили сайри хІу набзи валтахъуси?"**

Нушала идбагли   иб: **"Ну Аллагъли валтахъара!"**

Ил манзил ЖабрагІил малаик вагъариуб ва бедуйнна някълизибси шушка кабикахъиб. ИлхІели нушала Идбагли   иб: **"Гъанна хІу набзи валтахъари?"**

Аги-къяйда илкъяйда дарсдиънили тамашавиахъуси бедуйинни ишгъуна жаваб бедиб: **"Чилилра хІелтахъара"**. ИлхІели нушала Идбаг   иличивад чевкерхур ва сай кавшес вализурси адам ватур.

ИлхІели бедуйинни Ислам къабулбариб, Идбагла   шайзиради илдигъунти халати адамдеш къиматладарили.


Нушала Идбаглизирти черяхти адаб-хІяяла кыликъуначила бурули саби Жабирли нушачи баахъибси Идбагла   хІядислира: **"Гъарли-марли, хІушазибад наб ва Къямалла бархИи дила мякълаб къаршибикибитас беглара дигуттили бирар беглара гјяхти адаб-хІяя лерти, Къямалла бархИи набчибад гъарахъли бирар хамти, имцІати гъайли биркъути, дахъал гъай дирути"**.

Сегъунтилра вас-васъала агара нушазибад имцІатигъунтас Къямалла бархИи саби Идбагла   мякълаб биэс дигули биъниличил. Къямалла бархИи чула дурхІнира, гъамтира чучи хІерти гјязабтачи къакъабикІес гјягІнители саби ва ил багъандан Идбагличи   гъамтили диэс багъандан иддазирра диги адикъес чебиркур.

Къудратла ВеГІли нуша лебтасалра дигуси Идбагличи   гъамтили детаахъаба Къямалла бархИи. Амин.

МухІяммад ﷺ

— идбагунала мугъур



1   МухІяммад   сунела къамла ургав хІялалси, умутбихъеси, сегъуналра анцІбуклизиб къяна хІебуруси ва чилра виргІяхІергуси адам сайливан валусири. Христиантала тарихла 610 ибил дуслизив, ил 40 дусла гІямруличив сайхІели, цаибил гъаргбаркъ (вахІю) иличи баибсири. Ил ХІирагъла ГІиникълизив цунухъунси манзил хабарагарли иличи ЖабрагІил малаик вагъариуб ва буйрухъбариб: «Икъраъ!» (УчІен!). МухІяммадли   жаваб бедиб: «Нуни учІес хІебалас». Гъарли-марли илини учІес балуси ахІенри. Малаикли буйрухъ гІурра тикрарбариб ва илини гъалаблагуна жаваб аргъиб. ЖабрагІил малаикли буйрухъ хІяйнайсра тикрарбариб: «УчІен Къудратла ВеГІла улчил!» ИлхІели МухІяммадли илди дугъби тикрардариб ва илди сунела уркІилизи атІунтин дизур. ЖабрагІил малаикли МухІяммадлизи   буриб хІу идбаг -Аллагъла расул сайри или. ИлхІейчибад бехІбихъибсири Къуръан хъурабирни. 23 дус калунсири МухІяммадличи Къуръан бурхъули. ХІяжатдешуни алкІни хІясибли, Къудратла ВеГІли Къуръан инсаниятличил бутІнадли баахъибсири. МухІяммад идбаг   бухъянси заманализив халаси сабуруличил дин тІинтІбирули калун. Исламлизив чули дузахъути гІядагунас ва тяхІяркъяйдалис урехи лебни багъурли, къурайшитунни иличи чІумали къаршили кабизур. МухІяммаддисра   илала гъуни буцибти гъалаб-гъалабти адамтасра бахъхІи ГІелабадқабиркули калунтири къурайшитунни, илдачи адаблаг шайчибра гъяж бирусир, иткъяйдара балтути ахІенри. ШягІир сай, палчи сай, гІямултази ахъибси адам сай, шайтІунтачил вархвасунси сай бикІули, иличи бугъганти чедуршугири. Капуртани чула лерилра цІакъани илини тІинтІбирусидинничи къаршили дяхІчиинулри. Иличиб дукаркІулри, дурхІни иличи гъирбирулри, ахмак хъунул адамти бяхІчиинугири ил къаркъубала варахъес, илди иличи чебулхъугири, къаркъуба итутири, ил кавшес булан балбилзугири. МухІяммадлира   илала шаликартанира Аллагъ багъандан ва илала дин багъандан илди къян-жапа сабуруличил чекайсулри. 620 ибил дуслизив, идбаг ветаурли

вецІал дус дикибхІели, Аллагъли ил зубрази ахъуциб. Гъала-гъала Аллагъли ил Маккализивад Иерусалимлизиди арукиб, илабси Байтул Мукъаддас бикІуси дурхъаси мижитлизи, гІур илавад гІяршличи ахъуциб. Илар илизи дахъал тамашала секІал чедаахъибтири, илаб сабри чузирад кадикибти вайти баркъуддуми багъандан гІязабтазибти адамти чебаибти, идбагуначил гъуниваиб, илис Аллагъла дахъал дигІяндешуни гъаргдарибтири, амма илдачила илини цархІилтази селра бурусиди ахІенри. Аллагъли идбагуназивад ил ахІенси сунечи ахъуцибси ахІенри, илинира бурули саби илис хасси хІурмат барили виъниличила. Христиантала тарих хІясибли 622 ибил дуслизив, идбаг ветаурла 13 дус дикибхІели, МухІяммад идбаг   Къудратла ВеГІла хъарбаркъ хІясибли цаибти бусурмантачил варх Маккализивад Ясриблизи гечиубсири. КІинайи ил шагъарли идбагла шагъар – Мадина ибси у бедибсири. Ил гечбиъниличибад (гІяраб мезли илис «гъижра» бикІар) бехІбирхъуси саби бусурмантала тарих. Цаибти бусурманталара капурталара ургар дахъал дургъби детауртири. Ислам дуб-дубли ГІярабияла байхъуостровличиб тІинтІбирулри. Идбагли   адамти Исламла диннизиди битІикІулри ва бусурмантала тяхІяркъяйда дузахъес бурсибурулри,

асудирути ва къадагъадарибти секІал далахъулри, кІелра дунъялизиб чув икъалабисеи гъуни гІеббурулри, адамтази дахъал караматдешла анцІбукъуни (мугІжизатуни) чедаахъиб. Дагъри лерти адамти Идбаглис   ГІелабад башулри. Гечбиубли вецІал дус дикибхІейс лебилра ГІярабияла байхъуостровличиб Ислам тІинтІбиублири. МухІяммад идбаг   Ислам таманни бусурмантачи баахъили гІергъи, 63 дусла гІямруличив гъижрала 10-ибил дусла РабигІ-ул-Аввал базла 12 ибил бархИи (христиантала тарих хІясибли 632 ибил дуслизив) Мадина шагъарлизив вебКІиб ва ила хІяриихъиб, сунела хъунул ГІяйшатла хъулив, Идбагла мижитла мякълав. Мижит халабарибхІели, идбагла   хІяб мижитла бухІнаб бетаур. Идбагла   икъалачибас асхІябти бикІар. ИмцІали машгъурти асхІябуни саби Абу-Бакар, Гумар, Пусман ва ГІяли, къанниван илди лебилра гъаб-гІергъили халифунлира бетауртири – бусурмантала халабегІилтили. Илди тарихлизиб дурхъати, бархъти халифунили калун, сенкІун Исламла чебаахъибси гъуйчибад чебхІебалкІи башугири. Къудратла ВеГІ Аллагъ нушаб икъалавиаб МухІяммад идбагли   чебаахъибси гъуйчирад черхІедалкІи дашахъес.

Секъяйда харжбируси Аллагъли гибси давла?

3   илдала гъайлизибад шилизибси сунела хІурматлис зарал хІебарахъес багъандан, сари дарибсилес илдигъунти харжанала пайда кІиркабарар: дунгъяла пайда (адамтала хІяжатдешуни детурхахънила, ихънила) ва ахиратла (илди чедиб гъанбушибти адамти чунни къяна бурнила, бугътан тІинтІбирнила бунагълизибад сунени мяхІкамбарни). г) Сунес гІяхІдеш, икъалабарибсилес дирути харжани. Ил бетуцла харжанира динна шайчирти ва керила сари. 3. Сунела гІяхІдеш, пайда бахъличи яра жамигІятличил чебетиуги адамтас дирути харжани: а) динна гІялимтас, мутагІялимтас, мадрасала ва мижитла хІянчизарти

хІербарни, илдас къулайти шуртІри ақлахъни. б) Мижит, мадраса тІашбатни, къулайбарни, гъундури, къақурби, гІинзурби, гумурби къулайдарни, исламла жуз сунела харжаначил дураили, дин тІинтІбирнилизиди ва кайгахънилизиди сунела пай кабихъни, хІяжли аркути гІеббуци ва ц. бусурма илдигъунти харжанала кериди даимси саби, сай ахиратла хъули арякъунхІелира кахебурухуси ва Къиямала бархИи лехІел шайчибад лугуси гІяхти баркъуддумала жуз чебирцахъуси ва декІбихъуси. Дунгъяла давла хІярамси ахІен, нагагъ ил хІялалси тяхІярли тІалабра бирули, Аллагъли чебаахъибси тяхІярли харжра бирули, давла бурчнила гъаргъдешли Аллагъ хъумуртахъули ва

илис бирусиди гІибадат сийбихахъули хІебиалли. Сунела гъуникад вашуси давлачевла баркъуддуми Аллагъли илцад ахъли къиматладиру, хІятта илала ахъси даражаличи сай МухІяммад   идбаг вархли къясли вири. Иличила-ра хІядислизиб бурили саби. Давлаличибли Аллагъли хІела даим хІялумцІули Виъниличила хъуммартид. Ва Сунени гибси давла харжбарнилисра хІуни ЧевяхІсила гъалаб жаваб бедлугниличилара хъуммартид. Ил рушбатлис яра цараллис вайдешлис харжбарес асхІебирниличилара хъуммартид. ХІярамсилезибад мяхІкамдеш бара. ХІядис хІясибли, процентунас арц дедни 36 къехІбадешличил цІахси биъниличилара хъуммартид.

Суфийдеш къабулхедирни динна хьулчни къабулхедирни саби

1 « лугърала кумекличил (маш-гурси адамла хляб, яра цархил се-биалра пикрилизе касили)...», или тиладибуриси саби (Фатава Мухяммад ибн Пябдул Вагъаб, 3/68). Халиф Мансур хляжлизи вакибхели, Идбагла хлябличи вякунсири. Илхели имам Маликлизи хьар-

ряхъи. Ил-ургали шафагъят тиладибара ва Аллагъли Илис ихтияр луга хела хлекълизиб шафагъят барахъес» («Жавгъар Мунжим» жузлизив ибн Хляжар, «Шифа» жузлизив Кази Ияз). Илкъяйдали имам ан-Нававини тавассул асубирниличила бурули сай ва иличила багъес дигуси «Аль-Мажму»



баиб: «Ва Абу Гябдуллагъ, нуни Къиблаличивяхъ кайзурли балга барисав яра – Идбагличи вяхлизурлив?» Имамли жаваб гиб: «Иличивад ласмархъуд, Ил – ургакъяна сай. Хела халавегъил Адамла ва Аллагъла разгъяна сай. Идбагличивяхъ ча-

жузлизе херизес вирар, 8/282. Имам ас-Субкини буриб: «Идбаг-ургали тавассул сегъунси дигара даражаличи асубируси саби». Цархилти далилтира лер, амма духуси адамлис илдире даибти сари.

–Хела пикрили, цацабехитани суфийдеш ва тавассул се мурад-ли къабулхедируги?

–Къянала салафитуги саби гъарли марти бусурмантала калунси къукъялизиратти сарра биклули саби, цархилти чеббалкунтази халбирули саби. Илкъяйдали илдазивад гъарилли, гъанбиркули саби машгурти гялимтачир чули дахъал секлал далулра или. Нушани илдазир чурхдеш чедиулра. Адамти Идбагла Сунналичи чедила куцличил руркъулра биклули саби. Ил куц биалли муцдур хеблягълиничибли ва шалбарла къялубли чардарниличибли таманбирули саби; илди багъуди агарти адамти саби. Илдас гъарахъти сари Расуллагъла Суннала гъарли-марти багъудлуги. Ташмишдеш агарли, илдала баркъуддумачи Аллагъ разили ахлен. Илдани исламла душмантасцун саби разидеш бихуси.

асубируси ахлен или, иличибли Европализиб хербирути бахъал бусурманти къакъабихъубли. Илдигунти къянала фетваби дурайсути сари къянала гялимтани чули хядисла гъарли-марси мягъна аргъес хебирниличибли ва акънила сабаб хебалниличибли. Аги-къяйда дарсдиалли, хукмуртира илдачи мешули дарсдирути сари. Хукмурти дурайсути сари итил яра ишил сабаб хясибли. Бусурмантала ахленти улкназиб хербирути бусурмантазибад Исламлис халаси пайда леб: пикри бяхъичаая Европаличи. Илар 300-личи гъамли мижит дузули сари, Исламла динничи хебирхуги адамтани гъар бархли илаб ислам къабулбирули саби. Ил илди улкназиб бусурманти хербирнила асар саби. Ил багъандан нуша исламла динничи хебирхугала улкназир хердиес асубируси ахлен диклули ахленра.

– Се булгада дагъистанлантас?

– Дагъиста басурмантас даршуги ва эркинти гямру дулгулра. Хушарургар цаличи ца диги, Аллагъличи бирхауди каммадиаб, чихъти адабла ва чузибад гибрат касести адамти каммабиаб! – Баркалла хлед, Гябдуррахим, гялхиси ихтилат барни багъандан. Аллагъ нушала бунагъуначивад чевверхаб, дин бархъли иргъахъниличи нушаб гъуни гъаргъараб ва нушалерилра Алжанала агъули детаахъаба. Амин!

Шукрубирес хъуммартидая

Аллагъли адамлис дахъал нигматуни сахаватли пешкешдариб. Къуръа 70-цад аятлизиб бурили саби илди нигматуни гибнилис адам Чевяхъисилс даим баркалавиклес (шукруиклес) хляжатси биъниличила: «Хуша баркалла дикладалли, хушала шукруличи Ил разивирар («Зумар», аят 7). «Аллагъли хушаб лихъли, хулби, урки гиб, хуша Илис шукрудикланти детаахъес» (Нахль, аят 78). Хулби дедни арагълеб 500 дуслу гйбадатличил цугбиркур. «Дила нигматунас хуша баркалла хедикладалли, хъа бирулра, Дила тамбихъли цакъси бирар».

Рамазан Темирханов

Аллагъли нуша Сунес шукрубирехъес жидирулра, хебиалли, сен хъумуртутирав нушани ил мягъничебси хъарбаркъличила?! Нушала хуланачил дархдасунти баркъудлуги, мурадуги къалли хъумхертулра! Идигунти сари адамла тлабигъят, адам Аллагъла гуйчивад хешалли, илбагъандан нуша даим гъуцли диес гягънизира нуша мицтираглизира деклардулхъахъуги гякълуличил пикридиклес, нушаклун иш дунъяличир гялхли сарра. Аллагъли шукрубирнили гъар адамла гямрулизиб халаси мер буцес гягъниси саби, сенклун цархилван биалли Аллагъла нушачи гъимидулхъан, нушара гялхбаркъ хебагъуртала къяйлизир даклудулхъехле. Аллагъли дерцахъаба нуша илизираб.

Аллагъли шукрубиру гъайличил, баркъудличил ва уркили. Пергъисе бегъла чихъси саби. Аллагъли шукрубирнила дахъал журабазибад саби шукрула дехлибала дирни. Илди клел ракагъятла сари. Ишгъуна нятличил диру: «Нуни къасбирулра шукрула суннатла клел ракагъятла дехлибала дарес Аллагълис. Аллагъу акбар».

Илдазиб «Ал-Фатихялис» глергъи «Зулзилат» (1-ибил ракагъятлизиб яра «Кафирун»), клибил ракагъятлизир – «Кафирун», яра «Ихлас дучла. Дугъялизиб Аллагълизи шукру – баркалла балахъа, уркецтибарни тиладибиру. Аюб Идбаг излумазивад сагъиубхели, Къуръай бурни хлясибли, илини Аллагълиси шукрула 2 ракагъятла дехлибала детерхахъур. Илди дехлибала Аллагълиси шукрула царалти журабала къяйлизир уржили диес гягънибиркур, сенклун Аллагълиси шукрувикни дехлибала детерхахънишун ахлен.

Аллагълиси шукрула дахъал журабазирад чумал гъандуршехле: - паризаби заманаличир ва дурусли детерхахъни; - чеваргъибхели Аллагълиси шукрувиклар, палтар челгъухели, хляжатханалавад дуравхъунхели, Илла нигматуна укухели ва ц.; - зумали виклу: «Аллагъумма агинниш гълаа даваами зикрика ва шукрика ва хлусни гйбадатик(а); - зикрула талхъан «Лаа илаагъа илла лагъ» зумабарни (гъар ибхели Алжанализиб ца галга убалта); - «Лаа илаагъа илла лагъу вахдагъу



лаа шарийка лагъуу (кайхъайчи вецна белчунсилис Кягъбаличи вякунхелегъуна кери); - Альхямду лиллаагъи раббий гъяламин; - Альхямду лиллаагъ (ил ца тахъимид бурнили Диванна бархлила умцанти дирцахъу); - 100-на «Субхьяналлагъ» ибни 1000 гялхти баркъудличил цугдиркур; - «Субхьяналлагъи, вальхямду лиллаагъи ва лаа илаагъа илла лаагъу, валлаагъу акбар»; - «Лаа хлявля ва лаа къуввата иллаа биллаагъ» (ил гъачам бурнилис Алжанализиб ца галга убалта). - Субхьяналлагъи, вальхямду лиллаагъи, ва лаа илаагъа илла лаагъу валлаагъу акбар (дахъал журала кери-

би, илдазибад ца: ил бучлусиличирад галгаличирад клапъиван бунагъуни кадикур, Идбагли иб, ил гъачам бурни чучи берхлила нур кагитти секлумаичиб дурхъаси, къиматла саби или) ва ц.

Аллагълиси шукру саби: - адам гялхдеш барахъес гъирварни; - вайдеш бирнилизивад гелумизахъни; - Къуръан бучни, салават бушни; - Шаригъятла дазулизир гямру деркни (сунени ва сунела хъалибарли); - динна багъудлуги кайсни; - Мухяммад Идбагла ва цархилти идбагунала гямру руркъни (даим бархъси гъуникад башуги сунес гйбратли биахъес) ва ц.

Дарма џедеш — нарличила

Жагаси хлунтлена рангла ил џедешла (гранатла) у латын мезлизибад «гранатус» – «кыякьрадси» мягнализибад аклубси саби. Чумаси хлунтлена камла духнар жагали кыяйдизурли мерладиубли сари хлунтлена-журуга кыкьри. Деркес иштяхлудхъести, мурити сокли диџибти. Духнарад шаладикутиван чедиути илди гьарлимарли, тлугукадиубти хлунтлена мачначи мешули сари. Нарла кумачи мешудуцили саби «гранат» ибси у хлунтлена мачнасна (якьутунас) бедибси.

Нурулгъуда Ражабова

Нар адамла бегл гьалар пайдаладарибти џедешлизибад саби. Персия илала ватлан сабливан кабилзахъули саби. Амма ил шайчирти баянти агара. Ца секлал ашкарли саби – нар Азияла џедеш биъни. Жяв заманаличибад ил џедеш Средиземный урхъу-алавти мер-мусаличиб, Индиялизиб, Египетлизиб, Вавилонлизиб нарлис халаси кымат лугусири. Вавилонна бургъантани дергълизи дурабухъес

гьалар нарла кыкьри чямдирутири, саби душмайс чехлебиахънила асар бируси саблин, Древнегреческий фараонти хлярибирхъулели, илди гурра чарбухъес умут сабливан сипат бирули, илдачил барх нарра хлярибирхъусири. Востоклизиб нар, сунела къадри хлясибли, тлугиличил, инжирличил цугбурцутири. Дурхъаси Къуръайзибра кел мерличиб нар гьанбуршули саби – гъачам ил Аллагъли аклахъубси сабливан, кинайс – Алжанала «џедеш сабливан. Хлязлис ахлен иличила дурхъаси Къуръайзиб буриси. Нарла ахъли ахленси галпа се журала дигара глянжилизиб бухъули саби. Дягълизибадра урухъули ахлен. Кыулайли ахленти глабигъла шуртгъа-зирра гьандурцу. Дуџарти дуџрумра 10-12 градусла бутгъардешра гьандурцули саби. Илис халаси-деклар кьуллукъра хляжати ахлен. Сунела шиниша клапърала ургар жагали рурхъути џедешличил адамтира разибрахъули, гьар дус сабухъра лугули саби. Сокли диџибти нарла кыкьри деркес бизитицун ахленну, илди арадешлиси дебади пайдалатира сари. Адамти ил пайдалабирес бехлибхьибтири жяв замунтачибадал. Гиппократли нарла сок маслигъатдирутири чимхъа

изахъулели. Илала кам дизентерия-личи кьаршиси, чархлизибси дяхъилис дарман сабливан. Гьанна биалли, дунгъяла деклар-декларти мераначир ил џедешла бутгъни жура-журала излумас дарман сарливан пайдаладиру. Нарлизибси «С» витаминни дуги-хъерила бухнаб адамла чархлис чарагарли хляжати витаминна 40 процентла мер бурцу. Нарлизиб адамла чархлис чарагарси мегъ имџали саби. Хилизиб ил компонент камли биалли (мегъ), яра хли камли диалли, хилизиб гемоглобин имџабихъес нарани дукахъес маслигъатбирули саби. Илала дурабадра, нар адамла хли умудикахъес чарагарси, эритрацитунира лейкоцитунира имџадиаклахъуси фолиевая кислотара халаси лебли саби. Нар виштгъалис раибси, дурхля мамали ухъахъуси хьунул адамлис дебади чарагарси саби. Илгъуна нешла дурхля ара-сагъси ветарар. Цикли-муриси нарла сокли беркайчи иштяхли имџабихъу. Укес векихъес гъалаб беркни кьулайси саби. Беркунсира варглизиб гьахли балбиркахъу. Нар адам хъехли-гемч виклухъели, тыхъувхъили, яра ружерлизи

викибхъели букнира гьахли саби. Илала сокли милиги гьахли ихъахъу, чархлизибси буџардеш хлярхлибирхъу. Халкъла медицинализиб нарла мурити сок урџецини изахъулели пайдаладиру, џикити сок биалли – урџеци-назиртира гьимила пушягълизиртира кьаркьуби урасес. Илала кьуми ва кам хасси секлайчил – танинничил давлачерти сари. Танинни варг шинкляхъели, ил чумабирахъу. Илала жура-журала микробуначи, зягипдешличи кьаршили бургъеси хасдеш леб. Адамла чархлизиб дяхъи, бигубси биалли, илдира сагъдирахъу. Ил багъандан нар се журала-дигара излуми хлярхлидиахънилис – сагъдирахънилис дарман саби. Нарла сокра илала кам белхъунти шинра дарманцунванра ахли, косметикализирра пайдаладиру. Мурги-арџла устнани пайдалабируси лягълуртала ца журалис – хлунтлена лягълурлис – «гранат» ибси у бедили саби. Дирхайрая, сунела жагаси чебагъличил, адамла арадешлиси дарман дирути, жагали рурхъути сунела кумачил-кыкьрачил сабира халаси дурхъадеш саби.

Идбагла ﷺ хьунул Савдатла хабар

Савдат

Ислам бехлибхьибхейчибад кьурейшитунани дин кьабулбарибти кьакъабиклахъутири. Илхели Идбагли ﷺ сайгъетачи хъарбариб бархъдешгъевси Эфиопиял Нажаша пачала арилиу гечбахъес. Нажашили илди гьахли кьабулбариб. Къанниван илини ислам кьабулбарибсири ва ил вебкьибхъели Идбагли ﷺ гъарахълир илис жаназала дехлибала дарибсири.

Мурад Магомедов

Дин азадли бузахънила мурадличил Эфиопиялизи гечбултала ургар сунела мурул Сакран бину Амируличил Савдат бинту Замгъатра лерри. Исламла дин кьабулхъебарибси пачали гъуни чебахъуси улкализи гечбахъес ихтияр бедни пасихлеш саби гьанналис халал џакъ агарти бусурманти исламла ахленси пачала арилизи-берџудилиу каберхахъес ихтияр бедни. Эфиопиялизибти маккалантаци чула улкализибра ислам џакъбиубли биъниличила хабар баиб. Ил хабарли уркъичеббарибти илди хъули чарбухъес хьулбухъун. Амма чарбухъи гьергъи илдани багъур ислам џакъбиъниличила хабурти къанала дигъни, ва илди Маккализи чарбухъес хъебиуб. Бикеси мер хъебалули, бусурманти цацабехли мушрикьунтаци хъурабиуб. Ил баркьудилис гъярабунани «живар» или иру. Ил секлал Кавказлизиб гьахлял гьахлил кьабулвирнила гьахлиси гьядатличи мешули саби: гьахлял кьабулварили гьергъи, илис урехи хъебирахънилис жавабра хлуни лугуси саби. Илгъуна «белкхъибелкунси» закон гъярабуну-ургабра гинтгли бузахъусири. Таифлизибад чарухъунхъели Идбагла ﷺ «живар» сайри Матаном бину Ади. Ил секлайзиб нушани чебиулра, ислам хлярхли биалли, бусурманти ахлентала арилиу викас асубира.

Эфиопиялизибад Маккализи чарбулхъулели, Савдатла мурул вебкьиб. Илала вебкляличилара ишгъуна хабар леб. Гъачам Савдатли Мухляммад Идбаг ﷺ сунела бекличи ганз каџили шалгъевухъи муэрлизиб чеиб. Савдатли сунела муэрличила сунела мурул Сакранлизи бурибхъели, илини хъа бариб, эгер ил муэр марбиалли, сай убклар ва Савдат Идбагли ﷺ шерри аркъян или. Илис гьергъи Савдатли муэр чебаиб сунела ухъализи Баџ кабикили. Ил муэр



баянбирухъели, Савдатла муруй иб сунес ахират гъамбирули саби или. Ва, гьарли-марли, вахъли агарли Сакран вебкьиб. Сунечила кьайгъи даклубируси адам агарли Савдат чераибхъели, Идбагла ﷺ иличи дебади уркъеџидухъун. Ил секлал хисаббарили, сунела бегла гъалабти бархъябазивадси Усманна хьунул Хавлат бинту Хляким Аллагъла Расулличи ﷺ раклиб ва иб: «Ва Аллагъла Расул ﷺ, Хаджат ребкьили гьергъи гьахляцад дусми ардякьи сари, амма хлу гьаннара деџлизиб левалри». Идбагли жаваб гиб: «Хаджа дила дурхлинала неш сарри, хъали-џа умудири ва гьар секлайзир черетаибси рири». Хавлатли Идбаглизи ﷺ хъарбаиб сунес

хьунул ураркъахъелли, кьаршидеш дирару или. Идбагли ﷺ илхъели иб: «Хлуша хьунул адамтира ва иличила хлушани гьахлил баладая». Илхъели Хавлат Идбагли ﷺ Савдат ураркъес ибси къасличил аррякьун. Иш анџбукъ Маккализивад Мадинализи гечайчи сабри биубси. Савдат сунела талихличила багъес хьулрухъунхъели, Хавлатли буриб Идбагли ﷺ сари сукни рархъилра или. Уркърухъунси Савдатли иб: «Гьар секлайзир черяхъи ва лебтанилра су-

Сунела рурси ураркъес или Идбагли-чирад ﷺ Хавлат раклибхъели, Замгъат дебади разивууб ва иб: «Ил келра шалилис баркалалличи лайикъси баркьуди саби. Мухляммад Идбаг ﷺ наб дубуртачивра ахъси сай». Хаджа ребкьнила дардлизивси ил Савдат-личил хъаллавиубхъели деџлизибад гъарахъикниличила дахъал жузаси белкьли саби. Идбаг ﷺ дугурбазив вахъли дехлибайчи калзи. Вахъли суждаличи калзули, илала кьашми думди. Чевяхъисили ﷺ лерилра бунагуназибад умусили аклахъубси хлед хляжатилив илкьяйда суждаличи калзес или Расуллагълизи ﷺ хъарбаибхъели, илини жаваб гиб: «Суждаличи кахъелзусилис Чевяхъисили ﷺ сунес дирути гьахлидешуни дахъдаили дигули ахлен, илис дезадиралли, гьахлидешуни имџадиаклар». Илкьяйдали Савдат-лира Идбаг багъандан дехлибала дариб. Гъачам, рахъли суждаличи каризурхъели, илала кьанкъубазирад хли булан дурадикиб. Илкьяйда чедетаибти ва гьеркьати дири Расуллагъла ﷺ дехлибала. Идбагла ﷺ хьунул Савдат ургали Чевяхъисили ﷺ адамтази дахъал деклар-декларти секлал гьердуриб. Илдазибад ца хляжлизи укьниличил бархбасунси саби. Пярафатличир лерилра суждаби дарили гьергъи, берхли гьелабикила, Муздалифлизи аркъути саби. Илаб суждабирити шаладикайчи кавлан. Амма зягипгъас ва дурхлинас Муздалифлизибад дай дугилис гьергъи арбукъяхъес ихтияр леб. Ил Савдатличил бархбасунси анџбукъ саби. Халаси кьаркъа регл ва зягипси илини Муздалифлизибад дуги берклес хъерири. Расуллагъли ﷺ илис ихтияр бариб диркъа жявли бархъбатахъес. Илкьяйдали Мухляммадла кьилибил хьунул Савдат бинту Замгъатли сунес гьергъи бусурмантас суждаличи кабилзахъес кункъешуни диахъубси хлукму гьелабатур.

Гияр вашес асубирусив?

Асубируси гиярла кел жура яра тяхяр лерти сари:

1.Саби мегълизибад, гъургъашиинизибад, шишализибад яра цархил секлайзибад барибси биалра, къисбиклуси яра дяхъибируси ярагъличил дурабурклуси гияр. Илис бикъри саби Рафии бин Хадиджли **☞** бурибси: Идбагли **☞** иб: «Аллагъла **☞** у ахъили хли картлибси мицирагла дий беркеная»(Бухари, №2356). Эгер гиярличи бихуси ярагъ бугаси хлебиалли ва мицираг къутличил беклахъили биалли, яра бигубли биалли, ил беркес асубируси ахлен. Ил лугилизи кабурухули саби цала цакъличил иртуси ярагъличилси гиярра. «Бугъатуль мустаршидин» биклуси жузлизиб бурили саби цала цакъличил иртуси ярагъличил авличи гиярукъес асубируси ахлен или. Амма гияхси лишанчини, сунени мицираг кахебушили, бяхъес вирни дурусли балули, ил беклайчи белгъес бажардирукули виалли, илгъуна гияр асубирнила лишанги лер. Биалра, имкан лебли цала цакъличил иртуси ярагъличил гияр дурахлеберкни гияхил саби, сецад гияхси лишанчи виаллира.

2.Авлис дяхъи барес хасли дяркъурти чедулхъути мицирагличилси яра арцангачилси гияр. Илгъуна анцбукълизиб мицирагла дий беркес асубирар («Фикхуль Мингъаж»).

Дурхля дурхнала анхълизи вашахъес асубирусив?

Ил суайс ца жаваб агара. Гъала-гъала дурхнала анхъли гъаладирхъути шуртгъри хердарес, илаб дурхни хербирнила ва илдас бяркъ бедлугнила шуртгърачи пикри бяхичиас гиягънили саби. Масалас, эгер дурхни Ислам хиясибли асухебируси хурегли балхули биалли яра Исламла хълчначи къаршити рухля хазнурбачи руркули биалли, асухебирар.

Имам аль-Гъазигъялини (Аллагъла **☞** нурли шалаварану сай) белкун: «Хуни аргъа, бегитас дурхля мяхкамварахъес гибси сай. Илала умуси урки дурхъаси духури саби, нушани илизиб сегъуна някъиш алъахелра, илини ил къабулбиру». Ил багъандан хушала урши чина-биалра ведес къалабамадикудая.

Эгер урши виштгали левалли гияхдешпун бирахъес бурсивиралли ва иличила илизи зумали гъанбуршалли, илини, Аллагъла **☞** кумекличибли, иш дунъяличибра итил дунъяличибра талихI сарху. Илини дарибти гияхдешуни багъандан, илала бегитасра кери биур. Эгер дурхля, дуракаиби хъа мицирагван, хлеруди агарли ваталли, ил талихIагар ветарар. Ил багъандан, илала бегитира бунагълизи биркур.

Хъунуис муруйчил рургъс асубирусив?

Я муруй асубируси ахлен ургъес я хъунуис. Се багъандан ургъуси? Илизибад се гияхдеш леба? Селра агара, декларбикниличи бетиркахъути къавгъа ахли. Эгер хлу хъунул сарливан мурул хлечи разивъесли вяршикIадли, илизиб саби хлела талихI, иш дунъяличибван итил дунъяличибра. Хледаибтив, гъатIи, хлед Идбагли **☞** дурибти дугъби: «Чевяхси Аллагъла хъарбаркъуни тамандируси ва муруйчи лехирхъуси хъунул адам Алжанализи арку»? Халабарили бурни ахлен, хъунул адам - хъалибарглизир аргъ-бархли алкъахъан сари. Хушала хъайгиб мурталра шалали ва ункъли биесли вяршикIен, гъатIи.



Сен-сен рирклуси лайкьси хъунул?

Ил суайс беглара гияхси жаваб саби, Абу Гъурайрани **☞** буриб или, Бухарили нушачи баахъибси Идбагла **☞** хиядис: «Хъунул карируси авал секла багъандан сари: *давла, бегити, жагадеш ва дин. Динничи чекаризурси черрикIа, ил хлебарадли хлу паиманируд!*»(аль Бухари).

Нушала шилизир хиябразир дахъал дерубти галгуби лер. Илдачила се бурес вирава?

Эгер галга дягъли хиячмачил барх къаббарили яра бячи биалли, ил урцул къайдала бирцу ва дикибти арц бусурмантала хияжатунас делгъа, амма хлябрас дегъалли гияхси саби. Эгер галга берубли, амма ванзаличиб тIашли буули биалли, ил къицIхлебарили балта, хлябрачи вакIибсилис дяхIци къайда багалабахъес. («Фатхуль Мугъин»).

Хиялал-сафарлизир дехибала дарести лерилра имканти лердиалли, се гияхси: илди къантIдарили, цархилгачил дардяхъес яра арагерли дирес?

Дехибала къантIдарес асубируси саби, эгер архля 83 километрлайчиб камли хлебиубли биалли. Эгер архля 138 километрличиб гIеркъали биалли, дехибала къантIдарни гъалаб саби, арагер дарниличиб («Фатхуль Мугъин»).

Мурулра хъунулра декларли хлербирули биалли, сецад замана арбякъи гIергъи магъар гъарли-марси ахленсилизи халбируси?

Ил масъалализиб заманали селра иргъахъуси ахлен. Мурулра хъунулра декларли хлербирула сецад замана букъалра, муруй магъар бушарачи илди мурул-хъунулли кавлуту саби(Канзу Рагъибин).

ЦацабехIти адамтани бурули бирар, эгер адамли се биалра буруси замана гIемч бушалли, илини буруси мар саби или. Ил бархъсив?

Ге, ил бархъси саби. Расулуллагъли **☞** буриб: «Эгер адамли се- биалра бурухлели гIемчбушалли, ил илини буруси марбарни саби. Или ибси илини хлекъдеш бурули сай ибси саби»(Азкар ли Имами Навави).

Шейх МухИяммад-Гярифла уличилси Дагъиста Исламла университетли



Балахъули саби бархлехъла отделениелизиб бучIес хълбиклуги, бузерилизибад яра белчIудилизибад къябхлебердили, динна багъуди касес дигути матъал къабулбирниличила. Исламла багъуддуми касили, хлушани хлушала хълурази ва жамигIятлизи

Исламлизибад иртуси ахирагарси гияхдешла кахлебурхуси шала лебхидая. Илини хлушаб керила баркъуддуми дурадуркIахъес кумекбиру.

БучIахъес къабулбиру 14 дусла гIямруличибад бехIбихъили, лебилра хълбиклуги, ихтилатбарнила хълчиличиб. Мурул адамтани ва хъунул адамтани багъуди декларли кайсу.

БелчIудила манзил:

Программа 3 дусла саби. БелчIуди таманбиубли гIергъи хълбиклуги ДИУ-ла хлерила отделениелизи бурцу.

Дугъадизес иш гIергъиси адрес хиясибли дирудая: МяхIячкъала шагъар, Дахадаевла уличилси къакъа, 136. Шейх МяхIяммад-Гярифла уличилси Дагъиста Исламла университет (БекI мижитла мер-мусаличиб), шагъарла корпус, 5-ибил дерхI.

Дурсри дехдирхъути сари октябрьла цаличирад.

Телефонти:

мурул адамтас: 8-988-771-10-20; хъунул адамтас: 8-988-420-46-48.

Кел дурхляла неш шеро кариэс асубирусив? Ва илис шеро руркъес ихтияр лебу?

Гъай-гъайра асубирар. Илдигъунти анцбукъуни къалли Идбагла **☞** бархкъябала замана кадирутири. Дургъбазиб алхунти муйлала гамъабас кумекбарес, илди чараагарти лерилра секлайчил гIеббуцес ибси къасличил илдачи хъайчикабирутири.

Гъанна кIиибил суалла чебкад: ихтияр лебу кел дурхляла нешлис шеро руркъес? Гъайгъайра, агара. Рурси шеро редлугуси илала къайим сай. Хлушани аргъая, декларрикибсилара шеро хлерякъунсилара деклардеш - декларрикибси рурси дудешли шеро редес хлейрар илала къабулдеш агарли. ЦацабехIтани ил секла балкIли иргъули саби, декларрикибси рурси дудешла ихтияр агарли шеро руркъес рирар или(Мугънил МухIтаж).

Рузнама

Октябрь

дни	Утрений Ас-СубхI	восх.	Обеден. Аз-Зугър	После-обеден. Аль-ГIаср	Вечерн. Аль-Магъриб	Ночной Аль-ГIишаъ
1	5:14	6:44	12:45	15:59	18:35	20:01
2	5:14	6:45	12:45	15:58	18:34	19:59
4	5:18	6:47	12:44	15:55	18:30	19:55
6	5:20	6:49	12:44	15:53	18:26	19:52
8	5:22	6:52	12:43	15:50	18:23	19:48
10	5:25	6:54	12:43	15:47	18:19	19:45
12	5:27	6:56	12:42	15:45	18:16	19:41
14	5:29	6:59	12:42	15:42	18:13	19:38
16	5:32	7:01	12:41	15:40	18:10	19:35
18	5:34	7:03	12:41	15:37	18:06	19:32
20	5:36	7:06	12:40	15:35	18:03	19:29
22	5:39	7:08	12:40	15:32	18:00	19:26
24	5:41	7:11	12:40	15:30	17:58	19:24
26	5:43	7:13	12:40	15:28	17:54	19:21
28	5:45	7:16	12:39	15:25	17:51	19:18
30	5:48	7:18	12:39	15:23	17:49	19:15